



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Cæremoniarvm In celebratione Diuinorum Officiorum Observandarvm

Jacobs, Johannes

Antverpiæ, 1621

XX. De officio Thuriferarij in Missa solemni tam absente, quàm præsentem
vel etiam celebrante Episcopo.

urn:nbn:de:hbz:466:1-40844

fectione haberet præminentiam supra Diaconum; nec genuflecteret ad **Confessionem**, sed staret à dextris Celebrantis, & Diaconus à sinistris, & apud eum modicum retrò Subdiaconus; & ad cantum versiculi, **Et incarnatus est**, &c. se haberet prout illi, ac distribueret pacem in choro, vt latius patebit ex infra dicendis de Presbytero assistente Episcopo in Missa Pontificali.

CAPVT XX.

**De officio Thuriferarij in Missa
solemni tam absente quàm
præsente vel etiam cele-
brante Episcopo.**

I. **I**N Missa solemni, nisi celebretur pro defunctis, quater adhibetur incensum. Primò post **Confessionem** antequam dicatur **Introitus**, secundò ad **Euangelium**,

*Ex Mis.
in ritu
celebr.
& Cer.
lib. 1. c.
23. &
l. 2. c. 8.
& 9.*

tertiò post **oblationem panis** & vini, quartò ad **elevationem** Sacramenti. Itaque Acolythus feruens de thuribulo & nauicula, statim postquam Celebrans facta **Confessione** ad altare ascendit, ministrabit Diacono nauiculam cum thure & cochleari, & Celebranti thuribulum cum prunis pro imponendo thure, prout dictum est cap. 9. n. 1. *Presente autem Episcopo & non celebrante, post **Confessionem** subsequetur illum ad sedem Episcopalem, & ibi porriget nauiculam Presbytero assistenti, thuribulum vero exhibebit ipsi Episcopo ut supra, nisi Cæremoniarius id faceret. Imposito ac benedicto incenso dabit thuribulum Diacono, & thurificato Celebrante ab eodem Diacono recipiens deponet cum nauicula super credentia, Nisi Episcopus interesset paratus pluuiali, quo casu receptum thuribulum deferret cum debitis reuerentijs Presbytero assistenti, &*

post

*Ex l. 2.
c. 9. &
18. & l.
1. c. 23.*

post thurificationem Episcopi deponeret.

2. Cùm Diaconus defert librum Euangeliorum ad altare, iterum accedens cum thuribulo & nauicula, posito per eum libro in altari, dabit illi nauiculam, & Celebranti ministrabit thuribulum vt supra: impositoque thure & recepta nauicula, expectabit sustinēs illa, donec Diaconus acceperit benedictionem, & tunc facta cum alijs altari genuflexione ibit post Cæremoniarium ante Ceroferrarios ad locum Euangelij: vbi Diacono dicēte **Initium** vel **Sequētia sancti Euangelij**, stans apud Cæremoniarium statem ad dextram Diaconi aliquatulum post ipsum, offeret eidē thuribulum, vel in defectu Cæremoniarij ipsi Diacono, & thurificato libro recipiens sustinebit vt prius: cumq; proferuntur verba ad quæ est inclinandum aut genuflectendum, cum alijs

incli-

*Ex rub.
gener.
Miss.
tit. 17.
num. 4.*

inclinabit & genuflectet. Finito **Euangelio** reuertetur eodem ordine cum aliis ad altare, vbi rursus porriget thuribulum Cæremoniaro vel Diacono, & post thurificationem Celebrantis receptum reponet super credentia. In Missis verò defunctorum, in quibus ad **Euangelium** non adhibetur incensum (vbi nec ad **Introitum**) manebit iuxta cornu Epistolæ in loco suo: *Episcopo autem presente, vel celebrante in sede Episcopali, Diaconum ad osculum manus illius accedentem sequetur cum thuribulo & nauicula, eoque recedente ministrabit illa ibidem ad imponendum thus, prout supra post **Confessionem** presente Episcopo, & cum illis ad altare reuersus expectabit ibi cum alijs donec tempus sit eundi ad cantandum Euangelium, & tunc procedet cum illis ante Ceroferarios ad Episcopum, ante quem genuflectet donec Diaconus acceperit benedictionem (prout etiam faciet Episcopo celebrante in faldistorio)*

¶

Et mox eodem ordine progredietur ad locum Euangelij, vt supra: quo finito, si Episcopus ipsemet celebret, vt supra; vel sit indutus pluuiali, cum alijs ad eum reuersus porriget ibi thuribulum Ceremoniario vel Presbytero assistenti: sin minus, porriget apud altare vel faldistorium eidem Ceremoniario vel Diacono.

3. Tertiò post **Offertorium**, etiam in Missis defunctorum, ministrabit nauiculam & thuribulum ordine & modis quibus supra post **Confessionem**, & post thurificationem Celebrantis, Diaconum discedentem ad thurificandum alios comitabitur cum nauicula ad imponendum thus in thuribulum cum deficiet, obseruans cum eo debitas reuerentias: post thurificationem autem chori & Subdiaconi recipiens thuribulum de manu Diaconi vel Ceremoniarj, primò thurificabit illum, deinde Acolyths & populum; in Missis

verò

verò defunctorum statim post thurificationem Celebrantis, si Episcopus intersit quamuis cappa sua indutus (nisi Cæremoniarius faciat) deferet thuribulum Presbytero assistenti, alioqui statim deponet, prout etiam faciet post thurificationem Episcopi, omissa thurificatione aliorum.

4. Quartò denique accedēs paulò ante **Eleuationem** genuflexus in cornu Epistolæ, imposito à se vel ab alio thure in thuribulū absque benedictione, thurificabit hostiam consecratam, dum eleuatur, triplici ductu, & similiter calicem dū fit eius eleuatio: nisi adsit ibidem Cæremoniarius vel Subdiaconus ad id faciendum, quo casu dabit illi thuribulum & ipse imponet thus: reposito & adorato per Celebrantem calice, surgens reponet thuribulum cum nauicula, & reuersus ad locum suum conformabit se alijs quoad stationem aut genuflexionem.

*Item ex
lib. 2.
cap. 11.*